



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCCXXX. Cuno von Sydow, Hofrichter zu Bärwalde, bekundet eine vor ihm eingeklagte Schuldforderung des Rathes zu Königsberg gegen Claus von Schöning, am 6. März 1487.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCCXXX. Guno von Sydow, Hofrichter zu Bärwalde, bekundet eine vor ihm eingeklagte Schuldforderung des Rathes zu Königsberg gegen Claus von Schönning, am 6. März 1487.

Vor allenn cristenn ludhenn, Dar desse apenne breyff vorkummeth, Szo bekenne ick kone szydow, mynes gnedigen heren des marggrauen vhan brandenborch hauerichter to Berennwolde, Dat vor mynes gnedigen heren hauerichte gekamen ys, Dy Erfzame Jacob molner vnnde heft vhan des rades weghenn vhan Konyngesberch vor vordert ore recht meth III fulkamen claghenn vnnde meth allenn hulperedhenn, To deme Erbarenn Clawes van scheinynghen to grapow, To ehem vnnde to alle szynen gudherenn, Szo hoch alze X schock vp eyn tellent vnnde vp eyne rekenschap vnnde theyn meth In, wath ehm ore rechtegelth gekostet hefft vnnde noch kostenn mach. Dat heth desze vorgnante Jacob molner vhan des rades weghenn vhan konyngesberghe vor gerichte szo gewaret, Dat szy pandhenn moghenn vhan dage to daghe, vhan Jare to Jare, Szo langhe dat szy fulken summe geldis nha kamen moghenn, Alse szy jn deme rechte derfordert hebbenn. Hyr an vnnde auer szynt gewesth Dy Erbaren manhe, Alse Olde hans morner vnnde Jasper vhan der marwitz Vnnde vele mher mynes gnedigen heren gudhe mhan, dy dar ock erennwerth szynth. Des to groter vnnde mherer bokantnisse Szo hebbe yck kone Szydow myn Ingefelgel gedruket neddhenn ahn deszenn apenen bryff. Datum Berennwolde Anno domini LXXXVII des dinstages nha Invocavit.

Nach dem Originale des Königsberger Stadtarchives No. 285.

CCCXXXI. Guno von Sydow, Hofrichter zu Bärwalde, bekundet eine vor ihm eingeklagte Schuldforderung des Rathes zu Königsberg an Peter von Sydow, am 12. Januar 1490.

Vor allen luden, de deszen apen Bref Szin edder horen lezen, Bokenne ik Kune Sidow, myns gnedigen heren des marggrauen van Brandenborch hauerichter to beruolde, dat vor myns gnedigen heren hauerichte is kamen iacob molner, kamerer to konigesberge, van des erliken rades wegen to konigesberg vnd hebbe vorfordert er recht dorch den eyrgnanten hans molner met III vnkamen clagen vnde met allen hulpereden to dem eyrbaren Peter Sidow to em vnde al synen gudern fzi si vth . . . szo hoch, alzo XII hundert marck vnd tyn met yn eyn recht geilt. Dith hebben Szi also bewort jn deme gerichte, dat Szi den beclageden man panden mogen von dage to dage, van iare to iare, Szo lange dat Sy Sulkeyne Summen geldes mogen na kamen also vgenomet isz. Hyr an vnd ouer Szint gewest de eyrbaren frencze werbelen, werner Sidow vnd vele meyr myns gnedigen heren gude man, de ock erennwerth Szint. Des to groter bekantnisse hebbe ich kune Sidow myn Sigil gedruket neden an dillszen apen Brif,